

小峴山人詩文集

小峴山人詩集卷二

無錫秦 瀛凌滄

東遊日適蔣五會繹就醫吳門未及握別途中却

寄

君去百花洲君言非久畱如何別千里不及返孤舟落  
日采芳杜煙中生暮愁尺書頻問訊報我待輕郵

送趙生書年歸浙

送爾蓉湖道秋深楓葉疎愁看吳地雁夢憶越江魚故  
國初歸棹高堂正倚閭餘杭好風日兌酒復何如

訪青溪於報恩道院却寄雪坡在膠山

寒城映水木日暮溪風冷夕陽從西來返照蕩虛景松  
落秋潭空煙橫石梁迴蘿薜入門深鐘魚向人靜中有  
學道者晏坐得清境日讀老氏書衣巾或不整慮澹物  
俱喪意愜情自永晤對了無言故人在東嶺

將之山左畱別相餞諸友

輕塵朝雨唱陽關水綠江南照別顏疊到四聲聽不得  
河橋風雪滿春山

春風吹客渡黃河酒市斜陽策馬過一片鄉心愁絕處  
穆陵關外雁聲多

渡江至瓜州

一葦橫江破寂寥。夢隨流水送南朝。樹中人語多歸市。  
水上鐘聲半入潮。京口帆檣通楚蜀。海門風雨失金焦。  
微茫野岸飄殘笛。吹到蕪城第幾橋。

廣陵雨泊二絕

蕪城欲暮雨氤氳。小市青帘颺碧潭。多少紅泥亭上柳。  
惱人情緒是江南。

五年舊夢蜀岡青。歐九堂前過客經。一自山陽聞笛後。  
畫船不到竹西亭。

謂王春  
堂先生

康山

白髮青山放廢身。琵琶一曲幾酸辛。平生端以才名誤。

肝膽偏從患難真公道不妨憑野史荒江何意老斯人  
汧東風雨邗溝水尚爲飄蓬怨逐臣

文游臺

晶渺珠湖浸碧苔文游舊蹟付蒿萊十年魑魅愁遷客  
一代英靈記黨魁南國幾人同載酒西風勸我獨登臺  
人間無地烏紗落淮海飄零只一盃

晚泊淮上寄懷徐石漁

孤舟水際宿不見所思客微微鐘欲動黯黯雲復積荒  
煙漂母祠細火淮陰驛獨持一尊酒斟酌楚天夕

韓信釣臺

楚漢紛爭霸業休少年漁釣憶韓侯假王命竟懸雌雉  
大將功徒刎沐猴一飯不忘漂母德三分肯售蒯通謀  
王孫去後薜蘿綠孤負清淮十里流

太白樓

不見仙人紫綺裘西風吹上魯門秋開元明月雙芒屨  
滄海浮雲一酒樓鸚鵡盃邀狂客醉杜鵑聲入夜郎愁  
詩魂來往楓林暮子美祠堂俯碧流

樓下卽少陵南池

奉題族伯若舫先生詞稿

五瀉湖邊舊草堂花閒風調足清狂重拈山抹微雲句  
白石梅溪枉擅場

八  
莫問黃金郭隗臺悲歌燕市亦堪哀祇應博得雙鬟笑  
風雨旗亭賭酒來

惠山寺晚憩

南朝湛公宅黃葉覆松門人靜妙香遠風微清梵喧寒  
雲歸曲澗斜日澹高原欲此耽禪寂山花無與言

山寺秋夕

秋雨洗幽徑秋泉鳴竹根不知雲際月已照風中軒石  
冷碧蘿靜巖香叢桂繁攜琴坐清夜獨與山僧言

舟中載酒至金山放歌

岷濤萬里如犇馬東之不住還東下怒雷轟吼喧靈官

鐵甕城頭亂潮打古來重鎮維朱方紫髯碧眼誇孫郎  
六朝虎視亦無敵書生北顧思封狼沙蟲變滅等閒耳  
事去英雄疾於矢古苔已沒佛狸祠寒蘆尚罨蕭公壘  
我來憑弔停吳艤不須懷古愁難降但願滄波化爲酒  
尊前傾倒玻璃江長天蕭寥度孤鶴天風吹上江天閣  
冷雲墮海海氣黑一縷微紅逗日脚海門東去是儂鄉  
吳陵京峴常相望江山如此苦言別重催捩舵煙茫茫

贈野蠶僧

平生結交好奇士南極嶺海東蓬萊耳習埜蠶近十載  
一朝相遇梁王臺我從魯門至君自黃樓來岱宗瀑布



呂梁水各各杖底生風雷  
楚蠶詩才更無敵下凌九垓

揮八極昨送彭城太守手彈寒淚袞袞溼

野蠶送邵太守大業

出塞有手彈寒作詩兼作畫  
貽我梅花白梅花不可見

空望江南驛金明池上同  
裴裏汴宋灰飛舊花石  
月門

落日車騎少兔園夜雪樽  
罍寂我聞此地接輿轅天  
晴

二室青房顏盧鴻之宅宛  
可睹千峯簇簇開玉蓮  
柯不

峯巔置茆屋竹牀茶白山  
花鬢我今作歌約君去  
毋使

猿鶴愁空山

與野蠶夜話

歲晏寂無豫焚香坐松門  
積雪在庭戶寒禽無驚喧  
夜

靜對眞侶心清聞道言却懷九峯下空山鳴夜猿

發家書

有客江東去相將書一封我家五湖曲門對莫釐峯舊  
佃輸新釀寒鄰聽晚春不知昨夜雪曾壓小園松

畫梅歌贈童二樹

白雲夜凍青巖枯槎朽老樹披煙株何人寫向雪色壁  
瘦蛟起舞霜禽呼會稽山人有童鉦梅花骨格同清癯  
平生能詩更能畫冷幹如鐵非形摹明月入戶弄精魄  
五更冰雪寒肌膚越姬含睇楚娥泣玉妃遊戲搴瓊裾  
我欲乞君寫數本墨妙眞與神明俱元章不作補之逝

小山詩集 卷二  
四百餘載誰爲徒吾鄉鄧尉梅最好銅坑萬樹連具區  
今朝看畫三歎息花時不歸胡爲乎

大梁懷古四首

短衣匹馬向誰門指點三亭舊跡存大漠沙連伊闕動  
太行雲抱濁河奔人逢無忌屠沽重里有侯嬴賓客尊  
守冢何年傳伏臘西風捲盡黑灰痕

雪夜樽罍映綺疏曜華往事竟何如割除吳楚終存國  
忼慨鄒枚幾上書詞賦賓朋歸歷劫樓臺狐兔走荒墟  
寒雲淦淦連淮泗莽蒼山河複道餘

汴雒東來憶宋家六更愁聽打蝦蟆同文黨錮中朝急

良嶽征求內府奢  
落日天津聞杜宇  
秋風帝子泣龍沙  
錢唐不是宜和舊  
空有遺民記夢華

承平十葉舊神孫  
曾記淮南桂樹繁  
定邸藏書傳祕笈  
憲王樂府唱中原  
笙簫蘭館鈞天夢  
燈火樊樓月夜樽  
一自橫流經白馬  
魚龍無地與招魂

訪琴僧大乘不遇

聞有梅花衲獨棲  
蘼蘼林春風吹客去  
路與白雲深童子  
洗香鉢石牀空  
素琴穎師不可見  
惓惓暮鐘音

聽乘上人彈琴

釋子結幽居  
蕭然謝塵滓  
獨撫園客絲  
泠泠泛花水  
理

得遂忘言意到亦自喜平生江海人偶契絃外旨大道  
非有爲空山悟無始却憶峨眉峯疎鐘白雲裏

汴梁清明詞

玉津園裏颺秋千一樹棠梨劇可憐落日青城最蕭瑟  
東風無恙柳吹綿

智海禪院夜坐

三月祇園住蕭然遺世情夜深松露滴夢與佛香清隔  
院聞鈴語空階來鶴鳴維摩有眞諦擾擾媿吾生

艮嶽

萬歲山頭天水碧不愛河山愛花石小者如霍大者宮

良嶽俄成數千尺穴孔竅窳穿雲煙稜角玲瓏琢圭璧  
三山海上六鼇戴五岳雲中巨靈擘宛有地肺相鈎連  
髣髴天關忽崩剝蓮華朵朵盡倒垂玉筍森森半空墮  
紫筠堂外懸厓屨太清樓前獻婉孌侈窮民力號神運  
巧極人工疑鬼役吁嗟朱勔本亡賴媚子紛紛供禁掖  
千夫輦致汗已喘萬室征求血都赤驅檣水沸太湖船  
鈴馱人喧大梁驛宣和天子頗開顏晝夜歌聲傳太液  
李曹百絕呈新詞御書小印親題冊誰知內苑悲風來  
戰鼓牟駝喧肘腋君王內禪幾何時父子蒼黃赴沙磧  
青城人去雪刁騷玉津園壞花狼籍汴宮佳石半歸燕

人山詩集卷二  
黑灰捲盡埋甄曉細柳新蒲說夢華月明惟照狐狸跡

### 汴京二絕句

春光淡沱柳絲風雁柱朱欄似畫中日落金明池上望  
綠波還映駱駝虹

縷衣檀板畫簾垂腸斷周郎絕妙詞夜月重尋金線巷

湖湘流落李師師

### 荆軻墓

在祥符縣東四十里舊圖經以爲招覓墓此

一死報燕丹如卿亦大難酒徒從此盡易水至今寒擊  
筑歌聲古招魂俠骨殘惜哉疎劒術孤負白衣冠

三月八日同給諫湯對松先生陸秀才古漁孫上

舍聽舜僧充裕堊齋登吹臺分體得七律二首

雉堞參差帶遠脰曲闌高出白雲層  
兔葵無地尋梁苑麥飯何人弔宋陵  
亭榭幾經千浩劫河山如此一禪燈  
磨牛陳跡誰高李贏得吾曹杖策登

百尺繁臺莽廢蕪靈光無恙峙神區  
恰來緇侶成蓮社莫向黃公問酒壚  
芒碭雲開晴見樹夷門客散夜啼烏  
明朝好事傳城闕爲倩僧繇更作圖

大梁王  
生善畫

送車澹圃歸金陵

客情不可理同是悠悠者城南我送君  
垂楊繫君馬花落金陵樓人歸洛陽社



中州客夜與吳刺史

演

譚秦淮遺事時野蠶在座

南渡君臣夢已醒江山猶似六朝青里經梁宋重呼亥

簾憶秦淮舊姓丁剩有衰楊遮廢院已無名士泣新亭

與君一夕樊樓話頭白殘僧掩淚聽

野蠶居秦淮最久

將至濟源

日日籃輿裏春殘軹縣村人家映山色竹路斷溪痕徧

地藥苗長隔離沙鳥喧吾將尋李愿微尚在邱樊

李愿盤谷

在濟源

荅湘左書畢復寄一絕

楊子江頭雙鯉魚故人消息近何如相思空有吳田夢

王屋山中報爾書

王屋山

洞天三十六最愛王屋幽陽崖插石筍陰壑蟠潛虬攬  
策縱遐騁直上辭喧嗽手刺太乙泉足濯萬丈湫其右  
控孟門中斷黃河流登高小全晉胸欲撐神州夜半見  
海日積石西南浮雞鳴仙壇曙鶴舞天門秋回頭叫王  
母松風吹颼颼想像白雲際霓旌歛來游吾將掇金草  
獨臥崑崙邱

濟瀆廟

太乙祠前水神功配北溟棋聲春院靜龍氣夜潭腥日

月藏陰洞雲雷護曲櫺千秋思導沈吾一薦芳馨

送張道士還終南

終南張道士來自天壇間就我荒齋宿儵然返故山秋  
生雲際寺月出藍田關欲跨茅龍去同師鍊大還

枋口

欲訪盧仝泉泉邊幾株柳王屋到門青夕陽在枋口

妙香閣晚憩

蜂房閉幽閭鼻觀聞妙香入門但絳笏一徑多冷光漣  
漪亘迴薄淨綠生衣裳別院優曇古墮階鴨脚長飛禽  
帶木葉屋角衝斜陽興慵道自足意愜理亦忘蕉團坐

來夕梵唄鳴西堂

禹王臺

中原一綫舊京華禹廟重標釋子家日月虛堂空鼠雀  
風雷古屋隱龍蛇嵯峨塔影千尋鐵謂鐵塔頃洞濤聲萬  
里沙我爲登臨增勝槩窮源直欲上星槎

龍潭寺

古寺太行麓泉聲與我期路緣脩竹入門許白雲窺僧  
定齋鐘寂潭空水鳥知摩挲多古意苔蝕孟津碑寺有王文

安鐸  
碑記

爲新安程某題四照樓圖

樓在大冶縣  
金明湖上

濃雲壓山山欲浮，雲氣飛滿湖中樓。  
颼輪吹雲雲忽壞，脫落倒入滄波流。  
湖光直射浸簷角，山翠亂撲窺簾篝。  
新安天都富雲海，羊腸鐵鎖猿猱愁。  
三十六峰君所宅，朱砂泉湧瑤草幽。  
金湖一角想非偶，奚啻齊魯方滕鄒。  
平生游屐歷江漢，迺獨愛此供淹留。  
雁齒橋映葭莢亂，麕眼籬插楓柗稠。  
石牀茶臼無不有，蠟甕幾撥松花筍。  
華陽蔣生仲和寫此本，粉墨蕭瑟提僧繇。  
臥遊如此意亦足，展卷四壁風颼颼。  
狂來笑視八州督，與君爛醉金湖秋。

初秋漫興

清風不速至吹上葛衣涼人影憐秋水蟬聲愛夕陽愁  
緣看奕滅閒爲借書忙擾擾槐根夢坐來吾已忘

### 蘇門山

長嘯看嵇阮安知洽隱淪先生自高蹈亂世獨全身老  
臥蘇門下居然太古隣猶聞千載後卜築有遺民

### 爲陸古漁題春林垂釣圖圖爲吳竹塘進士作

武林門外乘吳船鴨頭波漲鳬鷺眠漁師蕩槳櫂人唱  
綠莎翠篠搖春煙陸君家住錢江上自署頭銜五湖長  
好友吳侯爲作圖鳴榔欲下青絲網短簫長笛依菰蒲  
澹蕩得似松陵無結鄰未遂走京雒釣竿冷落春風徂

君言明朝理輕策掉頭便返機雲宅我亦長歌歸去來  
一髮江南暮山碧

同陸古漁輓齊息園先生二首

乞身同賀監被逮復江關西寺纔成獄南冠已放還感  
恩餘白髮埋骨有青山長逝公無恨詩名天地間

天台讀書處帶草滿僧寮

先生少讀書天台方廣寺

弟子雲間陸同

余賦大招魂歸石橋雪夢渡浙江潮共有羊曇淚音塵  
竟寂寥

題露筋祠

一權楚天雨蒼茫葦花白甓社湖邊雲荒祠日將夕靈

旗颿秋草微風蕩薌澤涼月忽紛紛長淮向人碧

畱侯祠

一擊無西帝沙中欲報誰功名黃石授心事赤松知高  
廟藏弓日先生辟穀時遺墟盛腰膍圯上有荒祠

舟雨

神鴉漠漠散叢祠北固山前暮雨時煙際斜侵黃篋舫  
水邊低拂綠楊絲雲生極浦收魚罟路指新豐颺酒旗  
入破一聲何處笛西風愁殺弄潮兒

眞州

潮落寒塘雁影秋亂颿斜日到眞州青帘低壓離亭晚



小岫山人詩集 卷二 三  
人在西風賣酒樓

四鎮沙蟲散暮雲  
城東坏土葬將軍  
梅花嶺上空回首  
不見南朝閣部墳

江行

葭莢荒荒白揚帆  
破暝煙燈明移浦  
樹櫓響辨江船牛  
渚忽已過鳩茲何  
處邊空灘喧雁驚  
驚夢不成眠

寄湘左

寂寞滄江雁艱難  
遠道書美人易遲  
暮名士慣離居落  
日拜山鬼寒鐘聞  
夜漁吳門思乞食  
憔悴復何如

阻風金陵寄內

我有愁千尺含情欲寄難  
白門今夜夢飛去與君看江  
闊音書少秋深道路寒石尤  
何太苦三日滯江干

江行薄暮

西風淹客棹吾已倦舟行  
潮落銅陵樹雲移皖口城漁  
童雙槳夕沙市一燈明擊汰  
沅湘去沿流采杜蘅

余忠宣祠

孤城皖口畫雲昏尚憶貔貅  
萬竈屯列成紅巾紛草澤  
全家碧血灑乾坤海邊忠義  
田橫島天上英靈杜宇魂  
一代史才危學士白頭遺恨  
守祠門

小孤山

一柱中流出懸厓鳥道分僧棲六朝樹帆下九江雲潮  
落寒沙見風高夕磬聞鴉啼神女廟秋盡葉紛紛

九江寄舍弟士蓮

西風湖口水微茫嘹歷南飛雁幾行作客愁看湓浦月  
揚舡去逐郢門霜頻年旅食消殘臘昨夜滄江夢故鄉  
知爾相思勝潮水離心催送到潯陽

夜泊道士湫

旅泊秋蕭颯孤舟無四鄰江流吳岸急木落楚天新白  
月巢鳴鶴青山鬼搏人遙看戍樓火危柝警涼辰

甘寧廟

苦廟滄江岸靈旗閃夕曛行人說三國銅鼓賽將軍社  
火原頭樹神鴟水上雲欲尋前代榻蒼辭館遺文

赤壁懷古

絕坂黃泥醉大蘇齊安城郭楚雲孤山川一代畱文藻  
戎馬三分失伯圖秋盡滄江人夢鶴月明古渡夜飛烏  
雪堂酒罷臨臯晚船上吹簫有客無

鸚鵡洲

鸚鵡洲禰正平黃祖屈殺禰正平芳洲之草不肯青岑  
牢單絞化已久至今鸚鵡畱其名吁嗟乎鸚鵡既有文  
章復能語何爲反自戕其生五色斑斕付刀俎君不見

漁陽鼓阿瞞怒假手他人委黃祖烏虜阿瞞亦何苦七  
十二墳狐兔遊西陵寂寞無尺土不及芳洲有鸚鵡

雪後游武昌寒溪登西山由九曲亭躋絕頂坐松  
風閣

武昌縣城大如斗雪花亂打樊山口只恐凍殺寒溪梅  
幾樹疎花無恙否衝寒著屐攜綠醅邠老酒壚安在哉  
忽忽仙風生兩腋石磴屢陟凌崔嵬滄江皓皛白一色  
魚龍晝靜無喧呶九曲亭邊老鶴叫絕頂謾謾松風衰  
俛眎孫郎舊城堞赤烏舊蹟埋荒萊山僧枯坐煨芋火  
天寒笑客胡爲來次公不作涪翁死放眼江山尚如此

古人恨不見今人七百年來又秦子

西山寺梅花

江上尋蘭若梅花覆古藤寒分孤澗雪瘦似六朝僧有  
夢隨雲水忘言對佛燈何當守岑寂與爾臥巖冰

柳

倡條冶葉可憐生嚶嚶江頭喚曉鶯三月春風太無賴  
飛花吹徧楚王城

送人之湘江

青山歷歷楚雲西江上東風草欲齊送汝更浮湘水去  
黃陵廟裏鷓鴣啼

湘江曲

朝見湘江流暮見湘江流湘江淚竹幾時滅重瞳不返  
蒼梧愁昨夜秋風渡南浦湘靈鼓瑟馮夷舞巫峽猿啼  
楓樹林洞庭雁宿滄江雨采芙蓉寧木末二女祠前野  
蕭瑟九疑山高雲夢深湘月湖煙蕩空碧

竹塢

一徑入幽篠青山知幾層撥雲不見鳥度谷始逢僧仄  
景斜陽細寒流曲礪澄只應深塢裏長嘯有孫登

野廟

野廟荒山裏虛堂書寂寥陰風走村硯寒雨拜山魃敗

礫殘鐘臥頽垣晚馳驕三湘餘舊俗欲擬楚辭招

閱長生殿傳奇偶成二絕

凝碧池頭涕暗零管絃聲奏不堪聽梨園大有奇男子  
嗚咽琵琶泣海青

白頭宮女淚潸然閒說元宗亦可憐更有江南舊人在  
落花時節李龜年

早春登黃鶴樓

飛來黃鶴不知年吹破梅花笛裏煙雨後潮生熊子國  
春來人上鄂君船半江落日烏蠻外三戶浮雲赤嶼前  
尚有藥爐丹竈在凌虛吾欲叩眞仙



江上讀謝臯羽集書後

許劒亭荒釣渚煙故宮又見泣銅仙  
筵前誰唱貞元曲  
篋裏還餘天寶錢  
睵髮江山歸汝社  
登臺風雨感桑田  
六陵金盃冬青樹  
處處愁心叫杜鵑

過陶靖節故里

西風湓浦酒盈樽  
寂寞詩篇甲子存  
晉代衣冠畱栗里  
秦餘雞犬憶桃源  
三生慧遠山中社  
一枕羲皇柳下門  
今日江干薦蘋藻  
荒祠寒菊與招魂

楚中

茫茫三戶楚雲中  
何限興亡問鬻熊  
芳草路遙神女館

畫旗春颭大王風  
滄江有恨連湘水  
寒食無花落渚宮  
一自細腰人去盡  
但餘楊柳碧濛濛

江行雜詩

遷客江州酒一觴  
蘆花楓葉滿潯陽  
蝦蟆墓陵下琵琶婦  
賺得青衫淚數行

倭髻煙鬟墮渺茫  
小姑昨夜嫁彭郎  
滄江欲暝西風緊  
落日孤帆過馬當

武帝雄風皖水間  
射蛟浦近盛唐山  
數峰青峭看無恙  
一去降王竟不還

牛渚青天無片雲  
何人更憶謝將軍  
楚山終古如橫黛

白紵歌聲不可聞

舟中望廬山寄侯道士

昨登武昌城扁舟別黃鶴黃鶴仙人不我留張帆又下  
潯陽郭潯陽郭外嵐煙重匡廬秀色含雲松五老雲中  
忽相笑拄杖不到香爐峯香爐峯最高頂明湖俯瞰匹  
練光石梁倒臥三峽影藤蘿絕壁青猿吟瑤琴幾疊清  
道心遠公不作謝公沒惟有明月生東林侯師澹蕩人  
本是宗雷匹夢寐常思五嶽遊手把芙蓉興超忽我從  
廬山下寄爾廬山謠他年與爾同逍遙狂來醉臥康王  
谷起看南斗蒼雲高

望九華

維舟銅陵郭日對九華峰李白曾游處煙嵐深幾重寒  
猿飲雪澗孤鶴宿雲松欲往翠微路遙聞谷口鐘

石鐘山

木脫楚天晚彭郎相對閒濛濛水雲裏忽到石鐘山昔  
者東坡子維舟於此閒滄江瘦蛟舞鞢鞢響潺湲

峨眉亭

不見騎鯨客荒亭江水湄清狂同賀監哀怨比湘纍明  
月已非昔白雲猶在茲閒持一尊酒終日對峨眉

荻港

蕭蕭荻港渚煙昏浪打危磯  
嶺石根落日萬山趨建業  
滄江九派劉天門劫殘驃騎  
前朝壘血化沙蟲舊日魂  
見說靖南曾轉戰漁樵指點  
水邊邨

得華藕船先生書知野蠶以  
去秋沒於中州相國寺野蠶  
工詩眇一目向客秦淮久後  
與余定交中州無何作別野蠶  
已病不意其遽死哭之以詩得

二首

不信蠶公沒書來隔歲遲未  
歸淮水曲長別信陵祠塞  
北黃塵斷

野蠶擬訪故人邵太守大業於塞上以事不果

江南舊雨悲何人識

齊己蕭瑟爲題碑

隻眼乾坤內公如謝茂秦風騷七子社巾拂六朝人切  
切扶牀日匆匆判袂辰他年酒壚畔歌哭更誰陳

贈碎琴僧

南國詩僧少蕭條白下門那知野蠶死猶有碎琴存華  
髮滄江夢青燈破硯痕消磨餘一劍爲報故人恩  
君本羅浮客何來問六朝江山銷梵唄名姓雜漁樵南  
部煙花老西州涕淚遙廿年殘夢裏吳市憶吹蕭

秋日碎琴邀同泛舟清溪卽遊鷄鳴寺有作

昨夜樓頭雨蕭瑟添上秦淮潮幾尺朝來拉客乘蘭橈  
去訪南朝蔣侯宅蔣侯宅邊多管絃靡蕪秋水如煙

紅橋雁齒映簾閣倒影蕩破玻璃天蜻蛉小艇紛無數  
花月春江等閒度驀見垂楊樹萬條西風攔入臺城路  
臺城人事幾滄桑茂苑螢飛蔓草荒雞鳴埭下傷心處  
不獨當時蕭建康可憐結綺多佳麗野鳥空呼奈何帝  
景陽兵入怨韓擒後庭花落宮門閉鍾山隱士更何如  
黃華漲冷搖菰蒲夕陽愁殺青溪笛夜月啼殘白下鳥  
何人老向秦淮住茗上人也登臨擅詞賦狂來一曲問  
江南有酒須澆庾家墓

哭劉雪坡

雪坡老而貧歿於城西之魚巷

竟以清貧死時人豈識君一椽顏子巷三人孟郊墳齒

本畱殘帙魚邨斷真雲夜臺還寂寞誰與共論文

故人

故人久不至門前春水來舊日所經處寂寞生青苔東  
風昨夜笛吹落一庭梅

小峴山人詩集卷二



小峴山人詩集卷三

無錫秦 濕淩滄

咏梁溪雜事一百首

癸巳夏五月余之津門舟中無俾繫懷鄉土偶  
有所記輒成斷句詩成共得一百首語無詮次  
聊以誌一時託興云爾

天文星絡斗牛低禹貢揚州又會稽一自句吳疆域啓

東南望縣說梁溪

無錫故禹貢揚州之域秦漢時屬會稽郡

天關西神九點煙枕中名與華山傳舜柯峯下龍陵道

萬古虞姚一稜田

老子枕中記華山吳西神山卽今惠山山有九峯又名九龍山柯山舊傳

柯相所治故名舜山路史載舜子七人散處江南故山水多以舜名土有舜田不種而禾龍尾陵道見越絕書及後漢地理志

周家端委築平墟爭國無端起闔閭三讓祠前一龕土

魚腸往事恨鱗諸

吳地記吳築城梅里平墟今邑城婁巷有泰伯祠其東爲鱗諸塔舊傳鱗

諸葬處

鳴尸沈革付潺湲覆楚興吳事等閒嗚咽還餘小海唱

荒江浪啗大夫山

癸酉志吳王夫差殺伍子胥盛以鴟尾之革浮之江中卽今閭江吳人立

祠山麓因曰胥山

蘆花蘆葉響蕭蕭略約涇臯放小舸荒草吳王麋鹿徑

水鳬飛上鴨城橋

張涇橋一名涇臯鴨城橋舊傳吳王養鴨處又有麋城今不可考

五湖何處弔夷光白紵歌成怨夕陽猶有薜蘿學裙帶

東風吹綠美人莊

西施莊在縣東四十里

黃公飲馬古城陰桃夏遺宮蔓草深祇有明流澗邊水

潺湲如聽女環琴

黃城在縣西十二里輿地志楚考烈王賜歇淮北地十二縣以邊齊故更

以江東故吳邑封之今惠山下有黃公澗舊傳黃歇徙封時飲馬于此故道自此通黃城

嵯峨龍角聳雲霄宰堵波前錫已消治亂紛紛秦又漢

斷碑三尺話寒樵

陸羽惠山記錫山于周秦間產錫漢興錫方碑故創無錫縣後漢有樵客

于山下得銘云有錫兵天下爭無錫清天下寧有錫汾

天下弊無錫父天下濟又明顧文康鼎臣嘗登錫山云縣無魏科是龍不角耳因建石塔後改建龍光塔

世家梅李到袁周曾記延陵第一流閱徧漢京前後傳

如何人物只高彪

季子生于梅里應入無錫人物志秦漢以來邑人見于正史者僅後漢高

彪一人前漢虞俊節行比于二龔而班史無傳

五噫歌罷客荆蠻都把溪山屬伯鸞此地寓公推鼻祖

尚餘古甃石泉寒

梁溪亦名梁清溪或言梁鴻曾居此而名鴻山向為皇山東嶺有梁鴻井

荒村腴臘徧湖鄉茅屋三間祀偃王霸氣江南還竝峙

重瞳遺廟枕寒塘

石塘山有徐偃王廟邑志稱王子孫散處江南故祀之又開化鄉有項羽

廟舊傳羽嘗避仇居此

布帆安穩到荊州癡絕丹青顧虎頭好與舍人添粉本

暮寒山色晉陵秋

顧愷之小字虎頭善丹青浦舍人源句云衣上暮寒吳苑雨馬頭秋色晉

陵山源亦工畫

曲沼荒亭傳會多右軍遺蹟半傳謠此閒不是山陰道

安得籠鷺道士過

崇安寺有右軍池洛社開利寺有籠鷺亭

足跡金牛石塢蒼乳泉雪竇落花香舊傳膠鬲魚鹽地

卻為登臨憶侍郎

膠山舊傳以膠鬲得名應是傳會今膠山寺故梁蕭侍郎別墅山有金牛

跡乳竇泉侍郎舊志失其名

惠山山寺正鳴鐘第七峯前一短筇試向秋濤軒裏坐

月明初上六朝松

惠山聽松菴有秋濤軒王孟端絨嘗畫廬山景于其壁首二句用邵文莊

寶詩

歷山長史草堂空舊業吳田鶴唳中短李臺前雙樹死

都無黃葉打西風

宋湛長史挺居惠山即歷山草堂也江淹過草堂詩云別鶴唳吳田又李

丞相紳讀書臺在惠山  
寺後舊有雙溫樹久死

秦塢雲深碧澗秋東巡陳跡莽林丘南朝一片斜陽影

又上蕭梁古佛樓秦皇塢在錫山西惠山記始皇東巡望氣嘗掘而厭之惠山寺梁大同年建

新橋門外睦州墳石獸蒼涼水上雲東帶只餘荒堰在

更無人弔故將軍唐睦州刺史滕邁墓在新橋門外舊有二石獸元末鑿濠沒又將軍堰橋在東帶河上舊有蕭將軍墓宋前將軍蕭思話之父葬此

江海風霜雁影秋郊門送別不勝愁劉郎一樣羈人思

落日青山滿北樓劉長卿有無錫東郭送友人游越詩郎士元有登無錫北樓詩

泣血橫戈亂後春御亭千里黯風塵那堪回首長洲苑

江燕初歸不見人

庚肩吾亂後行經御亭詩云御亭一

語後二句見李嘉祐自蘇臺至望亭驛詩望亭即御亭

五瀉湖光泛碧漪筆牀茶竈最相宜舊時逋客吟詩處

喚箇扁舟載陸皮

陸龜蒙皮日休嘗與魏模泛舟由五瀉入震澤名其舟曰五瀉舟

水驛吳關急郡符中書堂上煮茶圖他時還博君謨笑

玉茗冰瓠伴鼠鬚

李德裕在中書好惠山泉置水遞以進皮日休詩所謂郡侯催發只嫌遲

者也交蔡君謨為歐陽永叔寫集古錄自序永叔餉以鼠鬚栗尾筆銅絲筆格大小龍團茶惠山泉水君謨大

喜

行殿蒼涼石薜封山僧誰話宋高宗祇今惟有山頭月

曾見當年駐六龍

宋高宗南渡嘗駐蹕惠山寺

支頤醉向石牀眠好煮山廚陸羽泉日日湘江清夢裏  
茶聲初破竹爐煙皮日休詩松子聲聲打石牀石牀在  
惠山寺前竹爐山房洪武中僧性海  
卓錫處王孟端竹爐詩云聲帶湘江兩岸秋第二泉一  
名陸子泉陸羽品泉處好煮山廚第二泉孟端煮泉圖  
句

團瓢煙鎖翠微重歸葬西神第幾峯馬鬣荒涼尋短碣

古藤花覆墓門松

先淮海公墓在惠山團瓢公子處度  
先生湛自藤州歸葬于此舊有古藤

林一

烏府先生鐵作肝坡翁贈句約休官松風半嶺西神下

自試清泉煮小團

蘇軾贈錢安道顥詩烏府先生鐵作  
肝又嘗謁錢道人烹小龍團登絕頂

望太湖道人  
安道弟也



忠定祠堂挂女蘿夜深山鬼泣巖阿燈前重讀梁溪集

字字中原涕淚多

李忠定綱祠舊在膠山今惠山亦有公祠公所著名梁溪集

靖康戈甲戰塵昏尚有蓼蓼鼓吹喧最是悟空精舍好

林深猿鶴趙王孫

靖康末宗室南遷多奏樂侑食吳越間有趙蓼蓼之謠悟空精舍在惠山

青墩宗室若崑築林深猿鳥下若崑句

香火叢林賜孟家信州歸煮惠山茶江南一覺繁華夢

自約王裴賦落霞

紹興初以惠山普利院賜信安郡王孟忠厚奉孟太后歲祀元信州錄事

孟潼忠厚裔也築惠麓小隱繁華一去江南遠夢覺春山自煮茶高明題句又倪瓚詩已倩王維圖別業更邀

裴廸賦

新詩

籬邊亭角一梅橫籜捲寒颼萬竹聲可憶僧廬讀書處

門前雪浪挂簷楹

蔣文忠重珍別業為一梅堂堂後有萬竹亭文忠少時嘗讀書橫山之雪

浪菴菴面太湖故名

三唐詩味別酸鹹後有秦蘇竝道潛好向漪瀾弄明月

泠泠琴筑一時兼

唐朱宿實羣于武陵皆有惠山寺詩宋先淮海公與蘇文忠僧參寥和之

一步漪瀾堂文忠句堂在第二泉上雜珮間琴筑見文忠寄焦干之求惠山泉詩干之無錫令

無言翁仲立斜陽古寺還餘宋道場種徧冬青六陵土

更無麥飯醅循王

張俊墓在青山塢元初為楊璉真伽所發今翁仲尚存其右為華藏寺即

俊香火院

萬卷書堂記遂初溪邊亭子號來朱山薌一曲梅花落

付與東風唱鷓鴣

尤文簡表築室梁溪上有來朱亭與晦翁講道處遂初堂在惠山舞破山

薌曲未終見文簡  
賦落梅瑞鷓鴣詞

重街古洞單家祠最近南齊孝子陂祠外流泉泉上月

長畱清影照貞姬

第二泉之左有地名華坡卽南齊孝子寶所居之地單貞女祠在惠山寺

左古洞穿斜竹重街夾細莎見張祐詩

亂鴉古木叫秋雲月黑天陰戰鼓聞舊日國殤何代廟

赭衣仗劍二將軍

宋文信國部將麻士龍尹玉戰死邑之五牧明倭寇焚其廟忽見赭衣仗

劍者竝立道上遂遁去

城東風雪噪昏鴉學士吟成月已斜一片冷香應入夢

綠蘿菴又放梅花

王學士達嘗和中峯和尚梅花百咏于東林菴一夕而成又俗諺有綠蘿

菴裏看梅花之語菴在城東距東林咫尺耳

水洞長歌白雪詞頭陀寺裏更尋師  
竭來遠客攜琴過

落徧崑花乞食時

惠山有若水洞長歌白雪詞李膺讀若水詩句嵩山以嵩頭陀得名又顧

涇凡允成贈福延菴振延上人詩云遠客攜琴過逢師乞食歸又云盡日無言說崑花落滿衣

古驛帆飛似馬騰  
威靈金甲顯中丞  
吳民豈是憐蕭銑

徧挂張王七月燈

俗傳明太祖惡無錫民為張士誠固守命徐達於平吳後屠其城達過望

亭驛將下令忽夢一金甲神立船頭曳帆行船駛如飛

比醒已至五牧見岸有古廟達謁之廟祀張睢陽即夢中所見金甲神城得不屠錫人每以七月比戶懸燈為張王燈又傳士誠有德於吳吳民懸燈為士誠也詭稱

為睢陽云

森森甲仗現兜鍪  
似箭風濤濺戍樓  
聞說兵防五湖岸

南唐曾此駐貔貅

軍帳山濱太湖風濤濺激如矢志稱南唐屯兵於此以備吳越山下有甲

仗塢

古廟嵯峨石峴蹲七雲突兀接西園宛溪東去虞山路

醉倚危闌瞰劒門

吳地志云虞山周七里登其巔可望一名吼山又名七雲山上

有真武廟下有錢華西園別業南徐記吼山北有白石峴

午榻茶煙得淨名雲林清閣畫難成于今舊業斜陽裏

芳草祇陀葬玉京

倪雲林瓚自號淨名居士所居爲清閣閣高季迪贈詩午榻茶煙病叟禪

卽清閣閣故址

控江門外暮樓空金粉飄殘失故叢分付斜陽雙燕子

梨花寒食絮東風

梨花莊在控江門外舊傳沈萬三妾居此徧植梨花故名

大將旌旗落日黃東甌曾此擊餘艍樵人拾得長甬米

知是元明舊戰場

顧典籍貞觀邑志補西陽山元末癸卯甲辰間明將湯和破莫天佑水師

于此長腰山與西陽山相接天佑屯兵餉處

白鶴聲聲月下喧海棠露重濕苔痕雙扉擘破簾泉水

散髮披雲臥石門

石門在望公塢絕頂王武陵惠山詩所謂石門吐明月者也中有珠簾泉

其下爲白鶴道院又舊志云絕壁之上海棠花覆數十丈今無之

草樓幅幅孟端畫南去松園別一門莫問烏衣舊時巷

燕泥零落杏花邨

許給事靈草樓在嚴家池王孟端嘗畫草樓八景其南爲萬松園明張尚

書籌策題曰杏花邨

溪山勝槩俯蘋洲何似溪山第一樓十二闌干憐獨倚

美人遙盼木蘭舟

溪山勝槩樓元華鐫別業十二闌干憐獨倚見張思廉詩美人遙盼木蘭

舟見陳顓曾詩又溪山  
第一樓元強可任建

蕭騷雙鬢拂天風香殿秋高夜月中江上王逢親聽得

雲璈吹徹洞虛宮

王梧溪逢江陰人有洞霄宮玩月詩

嚴池一勺感桑田無復朱闌映畫船捲盡楊花空拂地

夕陽簫鼓散如煙

嚴家池舊爲邑人游冶之所紅闌綠浪煙光渺濶今則僅餘一勺耳

羣山鵲突雲模糊長蘿遠水連平蕪春雨江南如畫裏

錦樹還有棊仙無

錢長史仲益善奕成祖呼爲棊仙自號錦樹山人首二句見仲益題江南

春雨圖詩

二泉精舍九峯西點易臺荒徑已迷夢醒松風聞鶴語

白雲無恙海天低

二泉精舍邵文莊講學處舊有海天亭點易臺今皆廢松風閣在聽松菴

先方伯夔築方伯與  
文莊同時閣亦久廢

雙鬟一曲引銅盃五拍歌殘夢乍回重按梁溪太平樂

紫髯吹簫在瑤臺

宋方臘之亂開注子東自錢唐避地梁溪一日夢美鬚髯者延之坐使兩

女子舞太平樂及覺猶記其五拍後歸杭州復夢前紫髯翁腰長笛問曰往在梁溪嘗按太平樂記其聲否

舵樓晚飯卸寒篷泖上吹來鐵笛風一代名流多雅集

茅山外史遂昌翁

顧瑛晚泊新安詩云晚飯舵樓前瑛與楊鐵崖維楨常泛舟訪雲林于清

閤閣時句曲外史張雨遂昌鄭元祐皆流寓無錫

宋末孤忠得兩公殘軍轉戰化沙蟲只今剩得昭先錄

畱伴芳名井史中

宋末通判陳炤守常州與太守姚嵩同殉難炤無錫人元兵陷無錫知縣

阮應得及其子華死之鄭所南井史載其事昭先錄炤孫陳顯曾撰



扁舟入夢紫衣僧持鉢靈山挂錫曾仙佛從來原不二

飄然一笠閣三層

南禪寺唐咸亨中曾改名靈山雍熙中僧某見一僧持鉢入寺挂錫壁間

而去後以夢異迎像于泗州會舟師夢有紫衣僧乞附舟至無錫且則迎泗州像適至又長泰寺有井舊傳有仙人從井中出畱一笠因作畱笠閣或言仙人乃僧伽

都統廟前春水生惺惺泉湧石闌平來青樓畔青山色

遙映花驄御史行

胡橋舊有胡都統廟橋下爲惺惺泉其北則元時華珩來青樓也地與駐

驄橋相近橋爲葛御史桓建故名

掀髯談笑保孤城排難猶傳義士名杖策軍門探虎穴

千秋倜儻魯先生

張士誠將莫天佑守無錫義士張翼偕徐吉說天佑降翼身長七尺鬚髯

戟如

十老荒亭古碣阿清泉白石到行窩莆田遺老風流劇

記得梨園一曲歌

碧山吟社明成化中邑中十老爲詩會處先貞靖先生築鳳谷行窩卽今

寄暢園

本朝初吾家伶樂最盛見莆田余澹心讌游歌

玉鹿名園碧澗流龍泉廢後又元邱白楊風送瀟瀟雨

莫問鄒家十二樓

馮龍泉夔改龍泉精舍爲園後屬顧九華起綸曰玉鹿元邱十二樓在愚

公谷卽龍泉故址鄒副使迪光築以居姬侍聲伎觴咏之盛甲江左

流水清溪寂寞春白頭漁父自垂綸武陵翁又匆匆去

渡口桃花冷笑人

清溪莊顧憲副可久別業施武陵漸爲十景詩漸亦有武陵莊

焚魚學士早歸田摩詰高風住輞川寫徧溪雲共溪雨

漆塘山色石塘煙

華子潛察官學士致仕歸同時王僉事問亦中歲挂冠別墅在寶界山漆

塘石塘皆  
近寶界

肆情名社管絃場雪夜妖姬塞上裝六十年來春院盡

水西樓畔月昏黃

高龍川政與錢常山憲輩結肆情社家有藏春院嘗雪夜飾家姬爲塞上

裴炫動閭里廢六十年而王戶部水西樓繼之

飄零身世海天東異國經秋落井桐賺得朝鮮贈行句

歸來鴨綠一帆風

華子潛嘗使朝鮮其族子重慶爲倭所掠漂抵其國國王知爲華氏子遣

使護之歸朝鮮臣作詩送之云身世海天東經秋落井桐

嵐翠溪光洽隱淪尚書妙繪劇通神後來更得蕭閒筆

割取雲山贈故人

王荅溪嘗賦如夢令誌隱居之樂高房山尚書愛其言爲作圖後失之倪

元鎮復用其意寫贈王仲冕元鎮嘗自號蕭閒卿

清風隱几謝塵喧有客寒涇訪華門閣畔茶煙吹不起

事如秋夢了無痕

茶夢閣在九里涇姚山人客隱居處  
咨與華子潛善清風敞高閣隱几顏

然隱子  
潛題句

兩派河流趨地軸一樓楊柳擁天關當窗面面芙蓉水

霜笛秋高月滿山

水自雙河口而下先經黃埠墩爲天  
關後達太保墩爲地軸黃埠墩面芙

蓉湖與惠山對峙霜空起  
寒笛見華子潛登黃埠詩

粥魚茶板暮禪喧遺蹟南宮古墨昏柳外半潭畱石丈

月明依舊臥煙痕

北禪寺正殿署書釋迦寶殿米芾筆  
也其後爲馮龍泉竹素園園廢而石

尚存

月坡風月漆湖尖樓外詩人繫客帆祇恨甘陵說鉤黨

汨羅從此弔彭咸

高忠憲攀龍水居在漆湖之濱右曰可樓前日月坡吳子往歸子慕嘗訪

忠憲於此止水在望湖門內卽自盡處

煙水西林百頃長金焦兩點水中央君家別有神僊客

自挂輕帆入武康

安桂坡國西林池廣數十畝中有二小山曰金焦分勝其孫行人希范罷

官歸自製一舟往來吳興武康間望者以爲神仙中人

亂雲拖樹野翁莊石子迴階引石梁儻見吏曹還寄語

雨深江甸菊初黃

野翁莊施廉築石子迴階引石梁沈石田周詩也又邊尚書貢寄題呂仲

仁碧山居有雨深江甸菊初黃句

一篷寒色渡輕艫九塢疎鐘隔浦撞攜得佳人名聽雪

彈將綠綺過蓉江

明尹嘉賓有梁溪道中遇雪美人張聽雪在舟中彈琴詩

廉訪風流住旱橋月明涼夜教吹簫錢翁頭白簫聲斷

畱得詞人唱卯茗

俞廉訪憲策讀書獨行二園作旱橋以通之其裔孫玉局工詩著卯茗款

乃有頭白錢翁親聽得  
月明橋上教吹簫句

一片青山似北邙拋殘羊虎閱滄桑清明寒食棠梨雨

何地還堪種白楊

惠山冢墓累累荒廢者居半

金匱山房窠石邊玉蘭如雪照嬋娟愚公費盡移山力

十笏齋中只一拳

金匱山房先海翁公築山於元時爲豪民強善三所占明時土石挖取殆

盡今一拳耳玉蘭一株花開如積雪

五色煙中扇影開希夷古蹟傍城隈那堪重問元文館

舊額吳興付劫灰

希夷道院在城東南隅舊傳有道士化五色煙手持一扇扇有希夷字元

文館在第六箭河元道上倪昭奎建雲林兄也  
元祐間賜予元萬壽宮額趙孟頫書今久廢

古觀傾頽大業間燦山洞穴達包山華陽道士今何在

不見南飛鶴更還洞陽觀在燦山陸羽惠山記言山有古洞潛通包山卽此觀廢於隋大業

間宋華陽道士盧至柔結茅居此改名明陽館至柔化後啟棺有白鶴南飛去

峭壁玲瓏綴鳥巢依稀雲棧壓僧寮夜闌小閣秋聲起

萬壑松風似海潮惠山寺後舊多峭壁如雲棧梯空上有秋聲閣若鳥巢之綴於樹巔今無

矣

城南荒冢鳥呼風無數頭顱泣鬼雄猶記天陰秋雨溼

寒燐閃出戰場紅明倭寇之亂城南隅爲邑人戰死處

九龍山人今已無誰能畫筆繼倪迂白雲紅樹南塘路

一幀臨湘水北圖

王孟端號九龍山人張臨湘亦邑人工畫有水北山莊圖

前朝抗疏考遺編李葛黃施盡可傳錫谷衣冠圖畫在

丹青好更繪諸賢

明初李宗吉葛桓黃理施武皆以直言得禍嘉靖中顧可久楊淮黃正色

張選四公尤著有錫谷四諫圖

講堂重闢道南祠百瀆風煙舊業移劫火也曾經委鬼

階前草護黨人碑

邵文莊創東林書院在百瀆港後顧端文高忠憲即楊龜山先生城東講

學處復建書院及道南祠閣黨構禍曾被燬未句見陳繼儒過道南書院有感詩

西林任誕雪樵狂使酒揮金俠少場更有鄒生負奇氣

青衫白帽謁天闈

安西林紹芳葉雪樵之芳皆負才任俠好使酒罵坐時有鄒公履德基尤

儻蕩不羈嘗上書願以家財助餉不報卒為怨家所害



啼鵲萬里泣忠魂同志捐軀又白門異日兩公身死處

松楸長奉孝陵園

化得啼鵲萬里歸馬文肅世奇夢中咏文信國詩也後殉甲申之難華吏

部允誠墓舍人拜祥皆先後授命金陵

北鴈淒涼不忍聞貞元朝士散如雲橋邊一箇雞皮叟

七尺偏能殉故君

甲申之變孫策巷源文賦聞鴈詩殉節死五牧有賣雞皮薛叟者行至高

橋聞國變投河死

將軍磊落少卿孫故劍飄零寶刀澀血痕裹徧白衣冠

鬼火青燐髑髏泣

何參將以增太僕少卿棟如孫江南亡後嘗佩其祖所遺故劍自隨以白

衣冠至郡守庭被難

笨菴已死殉黃巾汝社蒼涼少故人脫粟一盂羹一足

青山畱得兩遺民

黃漢臣家舒錢礎日肅潤鼎革後俱不仕家舒每食脫粟一孟常州守宋

之普欲見之拒不納肅潤服古衣冠縣令夾其脛笑曰襲一足庸何傷

白馬清流竟脫身冶城鍾簾亦沈淪男兒拚得沙場死

南國諸生第一人

南都防亂搆顧子方果爲之魁以攻阮大鍼幾及於禍乙酉江陰守城時

子方起義援之舟至砂山爲亂兵所殺

白髮菰川一老孤梧聲蕉葉怨凋枯杖藜躑躅城南寺

破殿殘碑記赤烏

菰川莊華戶部雲築堵文忠允錫僑居菰川有半生蕉葉難爲夢一枕梧

聲忽到秋句文忠殉節粵東張秋紹夏亦曾居此稱菰川居士地近保安寺殘碑問赤烏見王穉登保安寺詩

暮雨清尊故國春白頭祭酒話前塵座中猶有何堪在

舊是征南幕下人

明季時蘇崑生工南曲淪彘後流寓無錫先官諭贈以詩云曾事征南幕

閒關刺一身嘗燕吳祭酒  
偉業于家園崑生亦在座

老僧結屋古松間無復青丘夜斂關輸與南來詩句好

半春家在雪中山

明初有僧慧照者出家惠山寺能詩與高啟游又讀徹雲南人來寓無錫

著有南來詩稿半春家在雪中山讀徹句

尚書墳上夜啼烏丙舍淒涼白草枯秋水無情連蕩蕩

西風摧折到青梧

嚴尚書一鵬葬陽溪口子紹宗有陽溪丙舍詩孫卽中允繩孫自號蕩蕩

漁人著有秋水集蕩蕩橋名在陽溪繩孫子泓曾號青梧才而善病不遇死

謝家兄弟左家姝才似梁汾更絕無腸斷數聲金縷曲

山陽笛裏淚先枯

顧貞觀與兄景文廷文皆擅才藻有姊亦能詩貞觀嘗賦金縷曲寄吳

光騫於塞外納蘭成德見之曰河梁贈別之詩山陽死友之傳得此而三梁汾貞觀字也

然竹風流擅一時幾人唱和碧山陸瀟瀟風雪推篷夜

愛煞漁洋五字詩

先高祖對巖先生著有然竹集從軍湘楚時作又有碧山集家居時與嚴

滿漁繩孫蔣路然遵王家樂天先生保寅倡和之什風雪夜推篷句則王文簡士禎雪中簡先高祖詩也

貫華高閣倚空潭滿塢松雲冷佛龕名士傾城等銷歇

一僧閒坐夕陽菴

忍草菴在惠山春申澗側其最高處爲貫華閣顧貞觀嘗招納蘭成德陳

維崧姜宸英止宿于是成德畱一小像而去舊傳其上有古姬人墓見邑志

西溪冷落孝廉船拂面垂楊鎖暮煙斷送紅泥天平閣

更無翠袖倚風前

孝廉馬雲翎耕居西溪句云綠楊天半紅泥閣朱槿風前翠袖人耕早死

文肅孫

宛溪父子閱滄桑阨塞山川聚米旁執友平生二江夏

獄中慷慨出鄒陽

顧柔謙鼎革後隱居宛溪子祖禹亦不仕著方輿紀要與其友黃庭最著

庭嘗屬祖禹出鄒溶於獄

鍾譚詩派黃心祖甲乙書籤顧辟疆舊日敦槃一憑弔

名山社裏酒壚旁

黃心甫傳祖詩學鍾譚顧脩遠宸辟疆園藏書最富明末邑有聽社十七

子者黃顧皆與焉

縷衣零落感蕭娘深巷花陰隔短牆一曲西樓人盡醉

白頭腸斷有袁郎

相傳金壇妓穆素輝晚歸吾家某公置屋數間居之袁簿菴嘗觴於吾家

觀演西樓記一座盡傾

鐵莊文筆掃千軍河朔風流讓此君太息黃生先地下

殘陽衰草哭秋墳

陸鐵莊相黃夏孫瑚皆以古文名夏孫早死相巨肩鼻有河朔間氣

逋客論詩到也軒詩中朋舊幾人存朱翁邵叟都會識

不見城南惠聞孫

先外祖崑山徐二磯先生寓吾家也軒自號蓉湖逋客與惠聞孫雲朱櫚

香克敏邵來九變爲詩會朱邵余皆識之惠前沒

買醉東風爛似泥蔣家樓上夕陽西黃鸝喚客不成夢

花落春申廟裏啼

陳維崧迦陵詞有飲惠山蔣氏酒樓詞

### 梁溪竹枝詞三十首

余旣成梁溪雜事詩一百首中有所觸復託諸

歌歛得三十章以其體之殊於雜事詩也名之

曰竹枝詞云

闔閭城邊落日黃安陽山下墓門荒神鴉廟火喧秋祭

社鼓聲中賽讓王

風土記武王封周章少子贊爲安陽侯今邑西有安陽山山下有贊墓

桃花水長綠平堤波面鷓鴣飛欲齊儂向試泉門外望

青山多在縣樓西

縣西門曰試泉

射貴湖寬白浪高飛虹百尺架長橋青蒼一抹連秦望

風雨澄江有暮潮

射貴湖卽芙蓉湖高橋在五瀉口秦望山屬江陰

城河聞說曲如弓無復明流九箭通只有斜橋橋畔水

碧波影在綠陰中

謠云九箭通出三公今城中可通舟者第三第六而已六箭河九勝兩岸

濃陰如畫與綠波相映斜橋在六箭河上

勸郎莫似獨山孤愁雨愁風傍太湖妾住雙河便雙宿

夜飛不用怨西鳥

獨山在太湖中雙河一爲運河一通陽溪

潯溪流水碧雲村時有東風爲掃門斜日漁船添箇箇

桃花紅似武陵源

潯溪橋背山臨水春時桃花最盛

水仙墩外碧波平仙女墩前楊柳生南北相望不相見

惱人煙雨欠分明

仙女墩舊傳范蠡載西施所泊處水仙墩卽太保墩西有水仙廟

江南最好焙茶天陽羨旗槍穀雨前買得蜀山審器好

爲郎親試惠山泉

蓉湖尖屠民多以賣宜典審器爲業

折戟沈沙舊日營蜻蛉小艇晚縱橫漁人不識干戈恨

醉脫簑衣臥月明

邑西掃蕩營爲元季水戰處

長廣溪頭漲綠醅山村一夜落黃梅家家結網垂楊底

無數白魚如雪來

長廣溪在五里湖之南出吳塘門入太湖



陽溪女兒雙髻丫烏篷三尺慣撈蝦落日采蓮船更好  
紛紛蕩槳入荷花

賣花擔上買玫瑰聞道估船光福來取次筠籃都入市  
枇杷黃後又楊梅

梁清溪口夕陽陂赤脚兒童弄釣絲五月黃魚船似屋  
柳陰低壓水仙祠

驚湖菱芡劇堪憐蝦菜秋風舴艋船小小漁娃能打槳

銀魚滿載不論錢

菱芡惟出鵞湖者可敵松陵湖中銀魚亦佳美他處並遠不逮

九月新霜楓葉丹披綿黃雀早登盤西風又聽爬沙響

夜雨青祁蠨火寒

湖鄉多蠨以青祁出者爲最佳

芙蓉花開秋水香芙蓉亭子在滄浪鯉魚風起芙蓉老

誰認芙蓉舊草堂

先方伯梁有芙蓉草堂文嘉爲之圖

太湖南畔雪縱橫十里寒光沁骨清身在萬梅奩裏住

花時不用到銅坑

菴在邑西南面臨震澤梅時望若香雪滿漫十里

趙翁秋圃近重陽檀板金尊盡擅場閒殺潘家數叢菊

寒城白雁一籬霜

四郎君廟巷潘姓者善種菊既有趙翁割南坡高公山水之半植菊池

上花時載酒徵歌無虛日不復有詣潘者矣

天然閨閣解聲詩愛唱吳郎絕妙辭咒出雙雙紅豆子

東風把酒種相思

邑有顧氏女子者最愛吳園次把酒咒東風種出雙紅豆一闌壁上題寫

殆偏

清明時節風雨稀  
妾從十廟燒香歸  
歸來經過蓉湖上

只見鴛鴦對對飛

俗以清明前後男女詣各神廟燒香爲十廟香

大渲小渲水彎環  
大雷小雷雲往還  
湖光三面翠聲閣

只愛楊家管社山

大潭小渲港名大雷小雷皆濱太湖管社山有處士楊維寧別業翠聲閣

其最

勝處

綠楊深處酒船搖  
潏潏湖光不上潮

江湖不至無錫

水畔紅樓

先得月湘簾如霧一聲簫

寂寂鳥啼深竹林  
靈風高捲日長陰  
橫山雲起過山笑

龍母祠前龍畫吟

王穉登孚澤廟詩云鳥啼山竹林孚澤祀龍神又謠云橫山出雲過山笑

過山出雲雨便到  
龍母祠在軍嶂山

茅盈兄弟巢雲松九龍山前聞曉鐘唱到天雞殘月落

拜香人上第三峰

邑以三月望前後香會最盛俗名三茅會自芙蓉山至惠山微曉夜不絕

郎似遊絲太放顛妾如柳綫慣情牽願作畱郎橋畔柳

春來多解繫郎船

畱郎橋一名柳浪橋

曾聞嘯聚太湖孺羣盜平來已百年無恙碧波三萬頃

篷開十扇泛風船

順治乙酉黃蜚兵起太湖自後常有巨盜出沒今百年來無盜踪矣風船

湖中船名俗稱十扇船

綰盡長條復短條送郎又上木蘭橈妾家三里橋邊住

此是江南折柳橋

三里橋在北門外臨官塘

河鮑雪白刀鱗肥正月二月江風吹江邨纔過桃花水

又是鮐魚欲上時

三月花開五里街女郎踏花紅繡鞦韆邊雙雙飛蛺蝶

撲去又來頭上釵

惠山綺塍街元明間最繁盛謠云  
惠山街五里長踏花歸鞦韆底香

上年送郎柳未花今年飛絮徧天涯妾身願似龍山尾

勾住郎心只憶家

俗稱龍山尾內向邑  
人出門者多思家云

小覲山人詩集卷三